

國民

黃平縣志

(二)

國民

黃平縣志

(二)

國民

黃平縣志

(二)

民國·陳紹令 等修 李承棟 纂
民國十年稿本 二十五卷 未刊

一九六五年貴州省圖書館複製油印本 附校勘表

黃平縣志卷二十五

藝文志 詩歌

詩歌

孔子手訂六經不廢一十五國之風非僅以供輶軒之採也
嘗讀毛公之說曰南陔廢則孝友缺白華廢則廉恥缺小雅
盡廢則四夷交侵中國微等云更進而讀左氏之說曰思而
不懼具周之東平其細已甚民弗堪也是其先亡乎等云又
下而讀程朱之說曰桑間濮上之淫故其受兵也深山樞隱
苓之害故其被誘也易是國家之興衰存亡均於歌謠見之
降至李杜蘇陸所謂詩史詩仙者均能直道當時世事是今
古之比賦貞淫直可以作歷史讀也今誌藝文終以詩歌抑

黃平縣志

卷二十五 藝文

以俟乎州人之吾說者增

詩之遺愛不一書乎袁子才之說曰國風天籟也大小雅為
公卿大夫之作人籟也上至復旦康衢之歌元音明良之頌
不知不覺流於聲音然猶真是言無足殆忘而力於河有
五帝三王之盛豈可於聲歌中求之至三言篇後雖漢魏六
朝各異其體唐宋元明各極其致乃人不感於音而主賢愚世
運行淫國體國清又莫不於詩見之予蓋為四古世之音安
以樂其政和亂世之音怨以怒其政乖亡國之音哀以思其
民困故王得矢動天地感鬼神莫近乎詩先王以之經夫婦
成孝敬厚人倫美教化移風俗之州地二百里之數數百年
在黃平諸侯地在今亦國家之一大分子係經有曰不子可

以納頌備而中國之興衰成敗又不可於州詩見之耶

按古者禮與樂合故孔子曰禮云禮云玉帛云乎哉樂云樂
云鐘鼓云乎哉樂與詩并故子又曰吾自衛反魯然後樂正
雅頌各得其所觀於季札之論贊詩即所以贊樂降及後世
禮壞樂崩詩亦淪亡故班孟堅曰成康沒而頌聲寢王澤竭
而詩不作然漢世於房中十七歌郊祀十九章外尚立樂府
采詩夜誦此後雖李杜樂天每有樂府諸咏未聞採之宗廟
明堂詩與樂從此遂不侔矣李杜白作清平調上令李龜年及
依聲和之為唐時所僅見
今土地廣漠采風莫遠文人鮮知音律所謂今古體者特以
有無聲病為說耳然見綠竹倚倚則知衛地淇澳之盛見在
其版屋則知秦野西戎之宅太冲已有序言作者知此不獨

黃平縣志

卷二十五 藝文

二

惜以言情體物用辨八方當可作地志讀也

飛雲巖

明鍾惺

吾聞山出雲巖則雲之室茲巖雲所為雲與山為一山雲老亦
堅浮者化而實初至怯空遊梯磴乃歷歷下上於其間步步可
遊息石以雲為神雲以石為質石飛雲或住動定理難結草樹
過泉聲弄之莫可親

秋日邀諸子遊黃平鼓臺山

國朝米總

風日具清皎秋氣在巖谷之子三五人道遙互追逐領畧各為
情幽勝隨意足修枝著微黃新條蔭深綠樵徑縱橫開落葉迷
荒麓時聞鷄犬聲隔籬見茅屋杉櫨隱荆扉短籬雜疎菊委折
得石梁溪流淨寒玉殘陽漸欲低孤遂引清穆剝蝕古跡深摩

澤芝鮮覆憑弔見興亡蒼茫動心目小酌倚長松高霞照幽獨
仰視浮雲翔因悲時序促塵網暗相牽高尚難自勵安得素心
人共卧深山曲

飛雲洞

常安

飛來何處雲却到黔山佳片入洞中化石結鐘乳象如嬰珞
垂氣若噴烟霧造物騁奇怪澤似人工鑄洞外澎湃聲半空懸
瀑布虬松老漢唐烏道路迴互心目豁然低徊還四顧役夫
從前行斜陽正滿樹

前題

國朝 陳惠崇

古巖如屋覆山根足幽邃石形各異狀一一煩仰睇玲瓏冰筋
滴比榔蜂房密滑突人孔垂拳曲佛手繫大者疑雲龍頭爪露

黃平縣志

卷三十五 藝文

三

靈異又如洪濤翻盪渦互騰沸沉沉不古色青蒼鬱鬱蔽遙想
融結初真宰勞位置下有不測洞蒙希鬼窟悶蘊蓄雲水根吐
納山川氣倉皇昔經過鞍掌役王事今茲撫石欄揮酒勞人淚
方池一泓水清徹纖我意老栢勢更奇撐拄青霄際日月促勞
筋倦足此暫憩摩挲亭上碑遊人富清製愧無曹劉才難勒石
上字好帶片雲歸閒擬柳州記

遊鼓臺山

明 李占春 火白

秋清曉氣候殘暑蒸杯露同人久相期羣山荒郊外翩然來故
人偶面成良會扶杖折荒溪曲折弄清澗葉間密疎竹櫺紅
明珠縹緲間孤峯巖壑信奇最昂首接太空浩浩風大怪石
爭怒橫溪光繞如帶絕壁隱高天古穴沒松檜斷碣考遺踪山

靈如有靈轉盼閱滄桑俯仰發長慨

送閣學朱金山子告歸里

國朝 劉統敷

官久使人俗進退何所據我亦思休官先生先我去形骸任所
便野老共箕踞尋芳時獨往嘯歌免猶豫攜榼一開蟬談笑之
忽遽今日訂前期雲深在何處

前題

汪由敦

春日麓芳郊暖風催行騎買舟水面遊蘭漿蕩空翠天許作閑
人山川發幽異廿載涉宦途滴盡生民淚時將一寸心期與古
人對今獲悠然歸烟雲託高寄俯仰海天寬邱壑任遊戲暫且
卧東山應有徵書至

過飛雲巖

董德嘉

黃平縣志

卷三十五 藝文

四

黔石突凌霄飛雲莽莽繞雷雨扶泥滓散空作雲實巖洞各端
倪官冥不可究造物於炎荒孕結偏靈秀緬想巢居前歸然此
堂構軒翥象雕甍寢幕泉檐雷蒼龍衛左方白虎侍其右殷殷
列垣坑森森具庫廡般輸夫豈能鬼斧一以覽怪石露天真賦
形隨所受或懶如鴟蹲或猛如虎鬬或如貌迸逸或如馬馳驟
如蟬或垂綫如鳥或引味容與或如鴛鴦或如狀細或如江
鷗大或如海蟹天下瑰璋觀總向斯巖簇變化火雷同所以蔥
鬱富以茲悟物理莊生齊亦繆傍巖太古松勢與巖爭壽秦時
大夫封避地不肯就山浸滋松根疏淪為平園遊人頗掬取飲
之甘如酎古之登山者伐石書篆籀幾久蝕苔蘚漫漶半難讀
後來日紛紛羅列比宴豆脫葉載竹筍以山藏其副我為山靈

思理應則雕鏤安得無字碑傳雲立清臺

前題

統學序

飛雲本非雲石髓下青黛萬古嵌層巖長檐似車蓋遠行塵鞅
疲駐馬聞清籟絕壁自嵌瑩長溪互滌帶橫流卧石橋身已入
圍繪半壁俯清池荷衣絕塵壚古磴掃蒼苔高柯蒼蔚蒼忽登
十笏基已覺諸天大作悲學雲容生質疑神怪奇峯似夏時湧
碧千巖會寧知出岫歸未許為山懷或如萬溜懸飛瀑寫清冰
或如青螺旋佛髻同香界一本發華芝千行倒垂蓮或如狡狴
蹲或似龍蛇蛻獨出定無羣雙成亦相對陰巖滴鍾乳服食吾
所戒琢玉蘊胚胎懸珠流沆瀣臺前兩石筍空曠絕倚礙老樹
作虬盤空亭效鰲戴我疑混沌初噓氣成狡獪又疑出媧皇煉

黃平縣志

卷二十五 藝文

五

質留荒外飛雲本非雲觸石為霖霈膚寸徧人間仍歸此巖內
秦鞭所不及保爾貞自在每聞平泉莊木石聚所愛齋頭能得
一已下米顛拜羅羅萬寶攢目送不能逮僧房日可中漏下蓬
花快回看百里程決濟皆烟霞

步學使畢鐵菴飛雲巖韻

李益藩 編稿
監生

夜郎舊荒服居民鮮殷富穴兀觀高山莽莽亦何茂漢標風最
淳急公惟恐後巖穴有高人似雲不出岫采風輻輳來昂首舒
眉脰躋觀洞中題吳翅買鳥瘦乍驚獅象橫還疑龍虎仆丹青
山顏色嶂嶺聳甲冑天造壓全黔尋常未敢闕雲飛巖自靜源
頭難追究諸巖皆拱服誰能出其右峇椒翼然亭俯視嶺頭驚
月印禪心寂潭空瀑布溜板樓複道行往來藏獠欣遠眺雲花

壁近看烟霞巖生成體自然神工難刊鏤無風雷亦飛不雨巖
偏雷巖殿裏蓮蕊梵聲散順採兵燹幾廢弛復得攢毛奏東坡
雖仰止虹橋獨挹秀郁郁紛紛紛間瞻觀目不替鍾靈在一方人
又豈其陋茲值大衡臺樞衣倚閣扣想如饑渴時臨流試一漱
披雲逸興飛雄豪跨宇宙方信倚馬才警香同蘭集奎壁射上
方光滿比邱初留帶鎮山門和南酬邂逅漸予門外人典型不
能觀前人述未備重鉅碑上篇綴線難續貂瑤章惟三復今遭
聖明時遠邇歌無冠名巖譽亦彰佛田欣已耕聞黎日課參卧
戈忘墩嶠多士連茅茹章恩沐薪禎山靈如有約相將夙願就
吳叢隨意攜茶鐺何須飲汲泉和雲煮說偈遺長晝來觀大士
音歸禮菩薩繡盛跡勿鬱湮揮毫風雨驟

黃平縣志

卷二十五 藝文

六

丙寅秋同姑蘇朱久則過月潭寺步學使畢公韻

宋安全 編稿
舉人

一林天地空一壑烟霞富繁英盡露凋孤幹經霜茂一峯突如
來諸峯踴乎後雲是未來身飛飛不出岫如虬蟠輪囷如虎觸
關脰友風而子雨觸石合石瘦威棱驚武功仰喜呀不仆山腰
彎緣藤石帶綴其胃何年破太虛鬼斧無爭鬪展步俯月潭真
源志討究根柢結老龍寒冽侵左右樹影搖娑娑溪舌捲鵬驚
誰把陰石鞭商殘鬱林溜嶺背濕翁蔥窟宅暖猿狖不據石亦
磐如天笠同覆惟唯自成觀眾形謝雕鏤其上如有神其中別
有雷人天象外幽巖花空中掇朋來不買山山水水故輻輳探穴
窈而深卜地靈以秀另眼向山青了無決濟誓有松徑不荒有

竹居何陋日夕下東坡牛角時一扣碑石文可跌酌泉玉可漱
款念西南隅怪物出宇宙雲海忽揚波薰蕕亂擊集十年嘆知
晉佳山失領袖北海學使君東來欣邂逅惟此一片石相將話
奇觀詩成五字吟文分太史籀宗匠制南荒培塿皆與復吾道
有長城山精不敢窺繫鉢聞瞿曇濯池見阿耨重摹石經碑補
題路傍候僕教重成均雅人歌新頌予曰魯瑛瑞熊光欲就
非雲亦非烟何以償其慨只有月如恆往來無宵晝泉石起膏
肱江山生錦繡敢謂馳大區願言追步驟

早已遊飛雲洞

王 樞

山靈本類智所惡於其鑿非假公輸成翻為拙匠削鑽穴入土
偶得不廢瓔珞伐石刊碑銘不如真磊落來者日以踵往者日

黃平縣志

卷三五 藝文

七

以却鍾碑詩如畫十年被擊搏洞腹難為容魚目喜相攫靈物
世所寶安忍視漠漠身到不放過其下顧寥廓松風映月潭石
橋鎖幽壑亭閣闌無物題額殊可着遊人便覽眺風雨無蝕剝
更有飛雲志一編貽後學山得文以名文得山為樂海外寶青
蓮赤壁傳蘇作余竊不自知請與細商酌

避苗行

朱如旭

竟舜正當陽蠢爾宜斂手誰激犬羊輩跳梁亂黔首驚聞邛水
破孤城豈能久兵單難應敵郭圯不足守悠悠誰與謀挈眷從
西走逆炬亂飛烟狂腥衝南斗破城如摧枯殺人若屠狗骨肉
驚離散夫妻傷失偶性命分俄頃遑問家在否日午猶未食面
垢不言醜夜坐蔓草中加之風雨吼傾盆徹五更肚饑衣濕透

雨淚兩交流最苦白頭叟選傳城已破糧食盡局有州牧持大
義七尺碎虎口混遺屠戮者黑冤難為剖歧路將何之兒佩淮
楊綬亂離去鄉井安全仗神佑何日返故園團圓慰哀朽

飛雲巖

天杜 羅毓龍

峭壁挂雲根驚風颭木杪烟嵐終古浮薄雲飛未了松泉漾其
下浸月逾清皎島嶼此中涵俯仰盡奇竒

宿月潭寺

朱定元 奎山

月落人方歸入寺月仍見始知飛雲高直遮天之半雲濤月光
寒影與泉聲亂古松矗千尋石花香一院游賞興未闌禪室靜
堪懸解衣投匡床燕燕三山畔

黃平縣志

卷三五 藝文

八

敦本歌

國朝 張也明

聖宮在昔無定區三遠卜築城南隅高城睥睨萬烟火平野橫
鋪千膏腴雙薦奉高臺蒼莽五星屏峙排如掌十里龍從天上
來百丈雲開日中榜先師道貌望儼然云從曲阜傳聖澤
地靈兩鍾有春闈秋宴如蟬聯雖茲梁棟及墻堵歷年久已摧
風雨更遭蟲蛇大燬城即喜三焚不及廢營宮舊有修葺資緣
也不力反居奇幾將禮樂文章地蕩作頑垣碎瓦基金子奮然
攘臂言誰豕不識師道尊獨把百金輕一擲錦繡煥起樞星門
向是樂源多儒者望風塵起不柝下繡闥滿堂金碧裝雕甍四
合琉璃瓦戟門駸駸室虛輝空門外難窺數仞牆試問何人圖厥
始仁山佳胤為之倡金于耳聞自有親更求缺畧思補天子

拜臺花覆磚大成寶殿龍蟠柱自言餘力不留遺珠欲求圓玉
去疵善始成終兩不愧此心惟許聖人知

飛雲洞

靖道錄

豐隆當年求處妃南過嶽我憺忘歸徒御不戒喪躬弟化作巖
石雲不飛石勢輪囷更飄颻千年猶作飛雲狀紛紛郁郁嵌玲
瓏軒然高敞窮殊相金柯黛椹玉葉舒魚鱗勢繁堆炮車驚蛇
走虺出穴窟猿臂鳥伸龍攫拿世人日看飛雲態看盡飛雲無
此園嶢嶢雙峯峙洞口躡路昂首如蒼狗武丁巨斧削不成不
隨風捲長相守蒸濡靈液飛素練蒼壁白衣垂片片潺湲衝激
響鏗空裏阿香車輪轉雲昏雨洒雷填填咫尺幻出心目眩
造化不憚憊忽勞直將混沌都鑿偏南行險路難登陟來躡雲

黃平縣志

卷三十五 藝文

九

巖一休息襟袖飄飄爽氣生環珞俱帶飛揚色世間原有飛來
峯峯可飛來去亦得願假巨靈手劈開寰寰乘之周八極

前題

沈世楓

龍標城西山勢雄峻嵒嵒磳磳趨黔中飛雲古洞尤窈窕蔚秀不
與羣峯同五丁斧鑿險入環珞玲瓏鍾乳濕千巖瀨氣共吐
吞太虛浮雲憑呼嘯飛雲漫漫徧八區遭逢際會風吹嘯為卿
為高文明見為雨為霖大澤敷蒼生既潤功不與縹緲山頭覓
歸處雲歸還何洞中來晶晶晴空塵滓去

祝家節姊曾母孺人壽

太史梅之母

王 檀 震 來

憶姊結禱癸丑臘曾郎四十未衰頰伯父禮之為館甥孔父年
長顏父納伊予小子花燭前見郎偉貌入門關是時姊年十有

六祇肅內政絕紛運須災風鶴起邊城士女奔竄出閭閻羅幃
解作裏樞行止宿茅坡風露匪提甕出汲事井臼不以亂離乖
好合郎嘗寄食資現田有時脫珥佐饁饘十月生子蒙加名東
寧營廣額眉目始伯氏寶之若掌珠宅相他年擬營蓋生女未
警郎奄逝鳳去臺空氣嗚咽離迷黑雨覆枯萱覺在疚幾難
存破面辭親誓不二攜持藐孤社蓬門刺指燈前易升斗採薪
蘿下供饗養茅簷月冷啼孤村破屋松風愴心魂兒女伶仃迫
嫁婚戶庭聞寂悲頻繁二月桃花八月桂東家男兒看及第有
子不能慰母心幸負當年嫁老婿悠悠蒼天實鑒之望子成名
如望歲戊子之秋己丑春麒麟坡下草芳芬呈華報到金泥捷
館閣恩榮荷聖君蓬門未啟賓朋至不見歡顏但揮淚曰子誠

黃平縣志

卷三十五 藝文

十

不負未亡惜哉爾父已不暨稽首北天切致辭願兒始終無怠
志聖人在上勉事之學古入官理無二惟子孺慕出顏色念母
未常忘一食攜我塵襟泣母德謂母聖善誰其識我不為言孰
為言寫作長歌紀其實君不見予家先姑守窮廬當年旌表在
志書 明興隆節婦王氏百 至今爭傳王氏節堂堂令範堪比如
戶衛胡淑妻詳對志 康熙壬寅三月同友人登古佛山得二百十字錄贈潘田

師

吳門 蔣 深 鴻 泥

羣峯積翠當窗落雨後輕陰日光薄少年騎馬老乘輿前驅只
許馳雙鶴數里幽花暖更香千章古栢垂為蒂入門鳥雀不聞
聲但聽風鈴動高閣老僧引上拜經臺欲趁飛颺縱芒屨攬身
俯瞰萬丈潭深戒臨淵前復卻寺前東轉有龍湫碧水冷冷總

無着霜髭不剪嬾迴照掬取先除雙眼膜日斜小摘蔬筍新蠻
檮杌來客先淪人生口腹亦何為至味無如飽藜糲我聞僧言
此語心餘民苦破封狐兔之謂蓋賊兄鉢能將法雨施青嶺免令
悲幽壑六十餘年選佛場勿勿小劫風驚簿陳迹悠悠且勿論
作達吟詩恣歡噱相期結社攝山亭白雲堆裏將茅縛

飛雲洞

晉江黃岳牧

走馬黎戎道縱目飛雲巖九天下垂倒舒捲鳳蕭鸞翔態不凡
石室玲瓏開仙座玉華名勝那能過一片悠悠萬古春無數才
人相倡和朝雲散去暮雲生空中忽下兩幽清誰道雲程高萬
里舉頭華蓋結亭亭

登西竺寺望山廊作

傅龍光月川

黃平縣志

卷五 藝文

十一

佛言西竺有香國世界乃在蓮花中寶華湧座偶然耳此境要
與羣生同黃平北來三十里一峯巖巖插天起山氣氤氳青雲
端望之臨風花綺繞山腰石穴成修廊千葉千花森開張紺宇
琳宮妙結構嵌空半吐蓮花房遊人夢醒情無那月白風清香
欲墮豈知化城如花開山僧鎮日忘機坐西邑儒生不解禪什
九寓言鳥乎可倘得舉世盡具居吾詩亦付昌黎火

飛雲洞

傅龍光靈川

老雲片片媚天顰剛風吹落堅作石從龍降雨已無心猶令世
人詫奇聞雖道飛瀑來橫空濤聲騰涌松間風洋圓倒影月潭
底寒光晶晶生蛟宮

前題

商邱陳淮

晉門大士多應身示現空相參微塵場來南天自南海海天漠
漠飛慈雲飛上山山石立備忽縹緲成輪囷似看噓氣出山
骨却訝靈石生雲根雲來雲去幻復真山靜常持不動尊本來
妙湛了無住是法非法人非人我遊靈山及靈辰撥雲入洞循
山門何緣見石便肅拜整頓袍笏加簪紳莊嚴妙相儼嚴際寶
珠瓔珞驚天神參天龍樹張蒼鱗八功德水清且溫香城淨域
渺首聞驚峯鹿苑非所論山風吹衣袂分袖中靈氣猶飈飄
願為花雨散空界南荒偏灑花繽紛

訪李竺山通政王序東進士承示州志稿因賦長歌紀之

清平孫錄清臣

冬白晴和動高興暮年策馬龍淵徑為訪同年李竺山可憐一

黃平縣志

卷五 藝文

十二

別霜雲幾多才受有工匠東然欲初全州東嶺我東南北
迤為巖巖信諸公衡行宮坡與壑山連聖母玉皇高閣并承銀
相連四季湖云漢龍泉十尺凌香壑山在半天高掛榜丹巖遠
與此應是黔南第一川采然華華出英雋隆城中第何輝照
代衣冠殊鼎鑒之秘與外中丞前布政與渡邊政多小書宿
並名流從頭數數部難盡地靈人傑結不虛噴來巨擘洵有虹
不日青編只道傳萬古千秋難復論天生王君補其缺著作鴻
裁居獨任况有各卿為三持更集時賢同考證殘碑斷碣亦摩
挲竺山僧補間訊難云節目未周詳要領規模已先定他年
刪刻已成書藏臺石室之多遠

西竺行

陳學海

崑崙之脉從西來迤邐點中紛崔嵬特聳一峯名西竺九曲漢水相縈迴乃上山之阿攀援資鐵索下視三千丈心膽驚欲落青蔥樹隱三春鶯蒼翠柏藏千歲崔林間數目看遠峯羅列拱揖雲霧中亭午下山日將暝回首惟見青芙蓉

再題飛雲巖

明江盈科遊之

郵亭依梵刹古壑傍人烟泉滴潭疑雨崖浮不碍天蘚深埋舊刻藤老長新題車馬重來日登臨憶往年

過善化寺

夏言桂洲

月向潭中靜泉從雲外流寺門通徑曲樓閣傍崖幽掃石懷留偈憑軒一散愁偶來得奇賞忘却入遐遊

黃平縣志

卷三十五 藝文

上

飛雲巖

郭子章青果

萬丈闢巖局浮雲去復停幻裝螺髻碧巧綴石痕青老樹清堪掬飛泉靜可聽憑欄紆遠望暫博客懷醒

靜黎洞

郭子章

皮林甫罷兵振旅入黃平山繞猿聲近江環雉堞清連空巖洞響向晚暮烟生徒倚禪壇下憑欄寄野情

飛雲洞

學使趙鼎

若個費神工鏤將石骨空幾拳拳倒掛一幅水斜通過客題難盡閒僧玩不窮千年松柏樹楚楚在橋東

善化寺

劉之彥

曲岫銜孤寺清溪澹不流巖深霄積雪春半似兼秋老樹山中

日間雲世外舟安穩猶此去攘攘更何投

旅次咏孤雁

汪蛟

自從侶伴失只與野寒俱殘照一身影天風吹欲無鳴哀聽不盡託窗下仍孤驚徹羈人淚遙情共客途

山居

邵大賢

濃雲封谷口無客到山居鶴瘦思奇藥人閒授異書野花知節候流水自盈虛枕石高松下俯然見古初

黃平秋晚

吳中弘

谷口殘陽隱千峯遙落霞風光迷野寺水氣暗昏鴉夕鳥何空下村燈帶郭斜遙聞牧笛返猶被近林遮

秋夜署中贈王孟友

梅朗中

黃平縣志

卷三十五 藝文

十四

王工多秋氣尋秋惜未殘烟容花上淡山骨月中寒竹愛鳴泉漱琴宜冷石彈於茲助逸興魂夢亦清安

黃平途中喜晴

劉懋和

沉憂增積晦霽色強開顏貪看耦耕樂幾忘行路難青歸古陌上響發長松端步履隨新旭邊邊興未闌

飛雲巖

國朝彭而述嵩峯

黔山殊易了得此忽驚人象馬空中下鸞鳳物外真化工勞結構鬼母泣酸辛不作梁州賁夜郎古外臣

其二

古栢蹲山隈奇峯逐面開三山湧作柱百怪結成胎海若全身現河圖闢竇來未經秦亂後莫作武陵猜

宿月潭寺

王 樞

丹穴開靈輿珠璣萃九苞雷音翻澗底山月挂松梢人過東坡路
鴉路老樹葉聲寂寂時聽晚鐘敲

題王太令懷贈翁飛鳥先生傳

蔡 璣

禦變才堪濟全賴意自真艱危持大節草野有孤臣食報詩書
遠流芳俎豆新使旋應入告泉下賁恩綸

前題

周 彝

忠孝書生任艱虞世故屯守親同蔡順靜變繼何蕃清議千秋
重鴻志九死存來風使者事真不愧蘋蘩

前題

段 曦

靈毓雲巖秀先生德望隆里宜名孝義諡不愧文中國典明禮

黃平縣志

卷三十五 藝文

十五

重鄉評月旦公即今崇廟祀千載仰遺風

月潭寺

閩中黃良佐

忽入崦嵫路嶺最一洞幽白雲翳曲徑紅日淨孤樓竹閣泉聲
響山空石氣浮月潭鄰有寺步屨且遲留

夏日園中

朱定元奎山

遠樹排青嶂輕陰散綠烟鳥銜花外雨魚戲水中天土沃藥彌
盛石多陰更堅披襟推物理步履法前賢

其二

窗開深樹裏路入短牆東香滴荷心露清搖竹尾風鳥呼扶杖
客蝶繞蘂花萱葵道林園小乾坤爽氣同

春日樓下新園

朱定元奎山

樓前餘隙地嶺外追流霞徑曲留香蝶臺高檻曉鴉鑿池銷舊
水種樹發新花對此翻經史何庸泛若耶

斜廊連竹砌飛閣繞松風杏艷霞添色蘭疎石點叢綬輕拖草
綠袍重染花紅得共芳菲節陽春滿座中

雅趁幽人趣誰云近市譁林深憑鳥宿山缺情雲遠晚露侵衣
潤花香入夢賒垂簾人跡靜應許讀南華

送朱奎山中丞予告還里

周長發

清績尊臺閣閒情寄磻阿一帆懸畫舫萬里返吟窩尚有丹心
在其如白髮多抽身真未晚容易入烟蘿

迴龍寺

徐而陵

迴龍旋地軸綠樹蒼雲遮路石雄於虎環流曲似蛇松高留宿

黃平縣志

卷三十五 藝文

十六

霧寺古帶殘霞覽勝歸來晚乘舟學之桂

黃平新州漫興

陳文政

突兀羣山裏城雄莫與儔浮圖凌曉曙飛棟破中流通楚當衝
道入黔第一州兩齋饒寂寞詩酒未云愁

黃平舊州漫興

地偏民較庶就阜累江城兩日輪應市子門半是耕舟通潯水
疾境抱鐵關平款段乘將出聊為問俗行

寶相寺

寺自攝平復名仍寶相歸鐘聲傳近郭池景靜朝暉初至花如
待暫停鳥不飛青螺留古碣五嶽早通微

題興隆衛壁

明 王子仁

山城高下見樓臺野戍參差暮角催
賁路從峯頂入夜郎人自日邊來
鶯花夾道驚春老雉媒連雲向晚開
尺素屢題還屢擲衛南那有雁飛回

七夕過善化寺

鄭綱

一宿東隣寺上樓雷聲終夜鬧溪流
巖排古樹青常合雲擁危巖瘴自浮
往事有懷徒撫劍十年此地幾鳴騶
人間兒女憐今夕說盡牽牛萬古愁

讀飛雲巖吳中丞維嶽碑感賦

黃龍光

何處閒雲傍石飛飛來化石却忘歸
藤梢帶雨秋光冷澗道迴風暑氣微
亂後山川顏不改愁來丘壑意多違
浮生過眼俱陳迹

黃平縣志

卷三十五 藝文

二十七

迹空向人間說是非

飛雲巖

鄧廷瓚

偶從古刹尋遺踪亂峯削立摩蒼窮
幻出南海釋迦景移來西筑兜率宮
過客題詩刻湘竹老僧入定巢雲松
門前流水更清激仙源似與銀河通

炎涼久坐困烟塵一到靈巖眼乍清
惜問昇平何以報空懷忠赤竟無成
洞前怪石三株樹崖上飛濤萬壑轟
無數變豕需法雨棠陰遍地鳥嚶嚶

前題

陳紹英

巖外泉流河漢銀裏來靈氣上嶙峋
多奇總有峯皆幻得意何妨相是真
小憩暫令開作憶憑虛容可化為輪
憶從南園司雲

後擬放飛騰不礙身

前題

顧言

巖岼絕壁俯千松直躡飛雲寄遠踪
一竅空明涵碧落三峯還向吐芙蓉
山僧卓錫栖能定野老扶藜詒正濃
乘興探奇忘日暮忽聞林薄又鳴鐘

前題

姚啟盛

天開石室貯維摩人境悠然現普陀
瀑布却從巖頂瀉雲烟都向檻中過
長松宿雨鐘初發香徑花飛鳥自歌
為愛名山停屐齒好將塵慮濯清波

前題

潘世奇

恍疑雲鷲結天都錯落珠幾入畫圖
鬼斧闢開成窟窟神工巧

黃平縣志

卷三十五 藝文

十八

橫冠祥符泉通曲徑清音繞嵐映晴
暉翠嶺銷極目形容無處盡雲迷五色也模糊

前題

沐天波

懸巖百尺絕纖塵塵慮巖頂盡洗清
梵相莊嚴疑幻出雲根奇詭訝生成
倒身手探星辰近長嘯聲傳林壑轟
幽勝更從何處覓坐中山鳥不聞嚶

前題

謝三秀

亂後招提喜獨存上方鐘磬靜黃昏
松穿怪石仙人掌月覆空潭玉女筵
僧慣煮茶尋雪乳客偏攜酒對雲根
重來莫遣迷歸路記取桃花是洞門

再過飛雲巖

挂杖來尋物外機月潭半嶺掛松枝空山月出僧歸早古洞雲
深客到還小市且沽新釀酒短牆猶憶舊題詩禪燈木榻棲邊
夜此意惟應靜者知

東坡仙島

周瑛

層巒疊嶂聳瓊樓彷彿三山東海頭水泛碧桃流澗壑烟籠綠
柳鎖汀洲祥光隱隱陀頭起紫氣陰陰洞口浮白鶴玄猿栖自
古蒼苔仙跡舊邀遊

北嶺險關

造物分明巧鑿開嶠岫高出白雲隈西連蜀劍嗟同險北並秦
關怯遠來夷譯驚從天外語析聲疑在日邊回猛子勁弩休經
此車馬轟轟氣自摧

黃平縣志

卷十五 藝文

十九

榜山巖秀

蒼龍山勢抱孤城峭壁千平類削成雨暗苔痕凝墨古日移雲
漢訝又生前臨泮水千尋碧下瞰江流一派清為雲乾坤多秀
氣丹梯飛上有題名

帶水環流

原發東山貫北河縈迴如帶湛澄波浪花噴雪寒光滿片藻浮
碧秀氣多清比滄浪應澈底繞流泮沼自盈科觀濶喜識朝宗
不濁時聽孺子歌

安江曉渡

渺江流直要津朝敷初浴往來頻櫓聲驚起沙鷗宿曙色平
分野蒼蒼雪浪噴花迎去棹烟波暝樹怯垂綸天光雲影徘徊

裏盡是呼舟喚渡人

南樓春晚

百尺危樓倚碧霄登臨佳景值春朝桃花點點飛紅雨柳樹依
依鎖畫橋一水護田烟浪繞四山聳翠雪痕消遠聽牧笛兼漁
唱盡是康衢擊壤謠

爐山烟雨

爐峯奇怪自天成非蒸沉檀得此名帶水含烟疑變幻遠漲近
淡卜陰晴山腰漢漢橫蒼翠水面濛濛罩淺清絕頂方塘靈爽
測為魚為物若多情

龍淵靈異

古洞深沉別有天水雲腥處老龍眠為靈能應四時禱分脉常

黃平縣志

卷十五 藝文

二十

沾萬頃田吞吐烟霞巖穴裏倒懸星斗石橋邊箇中風景應難
識異草奇花不記年

安江待渡

余興賢

重安江色綠於蘿江艇催人急似梭鳳嶺烟開曉馭出霓旌風
晨便軒過斷橋驚沙汰清淺靜聽漁歌韻荷那更是四時鏡景
色青山兩岸白雲多

鳳嶺來青

余興賢

鳳嶺蒼蒼接絳霄琳宮深處彩霞飄十洲不羨神仙地一徑頻
來士女朝林霽經風青不斷石崖過雨翠難消老來結得同心
侶共向山中採藥苗

松岫春登

胡同寅

幾多春色到梅花
灌木陰中鳥語
蟬翠柳依依
獨野岸錦桃灼
灼過溪沙
登臨舉酒情
偏豪壯
韻分題興
轉餘醉後
嘯歌天地
窄不妨潦倒
接離斜

過興隆寄大錯和尚

汪蛟

仙骨翩翩香案身
衣冠嘗見禮星
長名高海內
無知己寒盡
默南憶故人
天際孤鴻時
送目漢邊
落日獨傷神
窗前昨夜思
君處夢入梅花
寄早春

重安江晚渡

夏言

重安江色清可憐
江頭下馬渡江
船黃茅野屋
淡秋日粉蝶
山城愁暮烟
朱旗郵兵走
相報繡衣使
者來行邊
故人經年不
見面何得萬
里同尊前

黃平縣志

卷三十五 藝文

十一

宜娘營

郭崇爵

南山土阜接雲平
野史相傳女將
營舊駭風雷
屯虎豹今看
壁壘穴鼉鼙
盛光尚幻旌
旗影溪響猶
疑鼓角聲二
百年來文教
洽縈弓橐矢
控名城

前題

邵人李連微

郭外禪林曉露清
五更鐘韻忽鈴
鈴元音斷續
溪聲靜實偈
宣揚日暈明
萬石不因撞
筵響豐山却
候降霜鳴如
茲切切聞迷
路猛省偏深
世外情

七里晴嵐

邵人李通微

七里峯峯曉露涵
迎暉樓上坐
晴嵐翠烟作
帶山腰束碧
霧如虹日影
含飛入海濤
成臺閣挹來
朝氣潤書龕
須臾三尺天
中

布野眺悠悠興正眈

沙洲鷺集

陳正心知先

紫靄山山襯夕陽
春鉏斂翼泊溪
旁鴻歸錯認千
門雪鷗過咸
驚六月霜玉膽
瓶前橫瘦影蘆
花洲上舞霓裳
攜尊對飲何須
燭勝爾竟品繁
夜光

鼓臺仙境

孫光啟仲熊

嵒岵危巖湧出然
空中樓閣接重
元紅雲蓋皓通
明殿銀漢流
來卓錫泉歌笑
捫蘿驚野鹿邀
遊陟頂挾飛仙
傳聞佳叻飄
集撫崖吹笙萬
仞巔

銅釘筆峯

陳子宸賈侯

突出奇峯似筆形
尖頭插漢撼奎
星管昂天外臨
蒼點穎落江

黃平縣志

卷三十五 藝文

十二

心懸洞庭何客惜
蒼蒼頓字無人
撥草太元經
文鋒八面銅釘
銳博得封侯是
五丁

馬花桃花

陳良能心獻

雲封古壁透溪沙
更有山桃二月
花入曉忽驚
曉谷采舉頭尤
訝赤城霞漁郎
扣石仙局閑
游客流觴野興
餘不獨武陵春
色媚此中依舊
樂桑麻

陡巖赤壁

邵人張拱北紫美

赤壁楓林兩岸通
正堪載酒蕩輕
舟星稀月朗
雄安在衣綈
裳元夢已收
遐舉不須窮
海岳浪遊聊可
狎是臨陡巖
不減臨翠涉
夜醉金風泊
夢洲

石龍水口

張居乾正之

樂源不獨峙千華更喜波心控石龍力障狂瀾橫一柱氣吞碧
落草崇壙東流江漢源何遠西注彭瀾勢自雄水秀山明稱獨
勝尤饒晦澹足提封

登七星樓同諸僚友作

巴人楊鳳肅卷阿

公餘同步七星樓帶水雙環雉堞浮夸口遠光迎檻入鼓臺清
響隔溪流蒼蒼一色看巴楚歷歷壓霄瞰斗牛一自汾陽經理
後謂青塚治安遺策共君籌

遊鼓臺和卷阿楊刺史作

興陸余興賢存宋

共醉平原已及期杖藜出郭更探奇磴邊瑤草寒香細山半扶
桑齊色移泉透一泓堪泛酒崖磨千尺欲題詩追隨軒蓋登臨
後異代風流此一時

黃平縣志

卷十五 藝文

三

七夕後一日同友人遊鼓臺山

宋世裕吟我

天街華露溢來多咫尺雲梯接玉河況值新秋嚴氣爽正逢佳
夕鵲橋過何人跨鶴凌青嶂有客開尊映綠柯坐嘯共尋方外
興不知朝市有烟波

馬駿峻嶺

李占春少白

形勢盤旋若駕軒神駉蹀躞萬峯連駿披雪嶽蒼松老足踏雲
根怪石堅控勒不加閒菟裏斗升難奏絕崩騫遙看隱見河圖
影疑在羲皇未畫前

雨岔漁歌

李占春

兩水滌洄抱遠岑漁舟隨浪任浮沉歌聲競唱三更月苦影齊
鋪一壑陰叢筍治生饒隱趣風波謀食亦驚心道人不禁江湖

想往往披衣澤畔吟

寶珠古剎

李占春

琪花瑤草襯琉璃古剎丹青映水湄寶藏三車藏貝葉珠光五
色見摩尼上方鐘擊哆囉韻半夜禪參法導師安得塵緣都解
脫頻來此地啖松脂

萬邨陰晴

李占春

山形綿互勢縱橫開國會雄細柳營壘嶂瀑泉縣露布層巖古
檜掛風旌結成密霧知將雨散盡浮雲喜欲晴地利天時都占
却年來誰復事南征

梯子巖

張問德性初

懸崖峭壁勢巖岨鬼斧開梯一線寬曲磴下驚無世界浮雲高

黃平縣志

卷十五 藝文

三

擬作關干從來不信函關險過此何憂蜀道難百折千迴天路
近塵寰杖底任漫漫

石人洞

沐天波

石人洞口白雲深一曲滄浪路幾尋藤莽牽衣添野翠蘭蘅坐
我襲微陰夜來城上孤燈遡雨後山間夕照臨漫說漁人澤不
到涓涓流水是知音

喜李少白自楚歸里

錢邦芭開少

三楚遨遊一剑輕山川無恙慰君行南風故國人千里夜雨孤
帆夢幾程湘漢波連殘月影洞庭雲擁斷潮聲歸來長物都刪
盡檢點詩囊白雪清

其二

歷盡崎嶇千萬山蕭蕭楓葉點衣斑天涯日暮雁初落故國秋
深人未還十載風塵悲短髮半生事業老朱顏相看世故多離
合擾擾塵勞未可刪

山中祝馬杓生

鄭廷齡

曾與烟霞結舊盟深山惟許鶴知名不教薜荔終無侶既煉丹
砂必有成南國一歌狂也肆西山長嘯聖之清人間多少迷津
者君獨逍遙度此生

飛雲巖

國朝田雯

飛雲巖立翠千重草色登臨日下春莫信人間惟五岳須知天
未有三峯秦氏漢壘羣仙宅雲陣花幢古佛蹤如此奇山誰領
畧曾無七十二家封

黃平縣志

卷二十五 藝文

二十五

村居即事

陳天寵

數椽茅屋倚林開春景宜人句自裁噪嘒鶯聲穿曲徑呢喃燕
語度層臺簷簷虛山色和烟入雲靜松陰引日來休向武陵尋
事村居差擬小蓬萊

和思南劉未澆遊飛雲巖四首

偏橋張雲需

東坡遙望烟光迥到處驚飛朵朵雲樹色陰晴欺畫幅泉流斜
直巧迴文露垂玉露形初結霞映丹巖影莫分一片溪山看不
盡洛陽宮闕幾經焚

時值張李亂後

其二

雲光結就不須茅佛國峯巒列四郊嫋嫋微烟過隴畔萋萋落
葉下林梢溪橋暗渡遊人屐嶺樹平樓野雀巢獨許禪心恣領

客石門月下有僧敲

其三

閒雲片片卧亭心影入清池碧漢臨天半虬龍橫絕壁空中虎
豹踞危岑晴霞晚照幽峯曉寒雨朝飛曲澗陰眼底滄桑何日
了年年古洞只如今

其四

松杉萬個結山根翠色迷離曉日昏月映前溪侵溜影雲封古
道濕苔痕幽泉有意徐趨澗野鶴無心自到門最是劉郎風韻
好空林題句幾驚魂

贈鄭公

薛子珩

雲山疊疊起三峯驅得淵魚靡適從時值亂離難尚法民當窮

黃平縣志

卷二十五 藝文

二十六

宮易為先一方允矣資調護兩邑居然借折衝雨洗兵來人喘
息履聲三殿聽從容

自述

薛子珩

詩思還從物候新豈知書劍老風塵眼前好惡何能定夢裏輸
贏總未真幸得酒盃消白日每看兒戲憶青春日為醉客兼吟
客身外浮雲那足論

輓陳訥菴先生

王棧

頻剪霜林秋勢毫龍淵蕭瑟死陳陶彩鈴不叶仁人夢柳汁偏
遺志士袍氣入烟雲常變幻竟來風雨助呼號從今再過虹橋
畔誰復周行示我曹

帶水環流

朱定元